



ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ № Վ- 1/117

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

«09» Հունվարի 2024թ.

1. Վարչական իրավախախտման վերաբերյալ գործի նկարագրությունը.

Երևան քաղաքի Արաբկիր վարչական շրջանի ղեկավարի աշխատակազմի աշխատակից Վ. Գալստյանի կողմից 08.12.2023 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգրքը) 157.15-րդ հոդվածի 3-րդ մասով նախատեսված վարչական իրավախախտում, մասնավորապես՝ կառուցապատող Վազգեն Բանդարիի Շաբանդարիի կողմից Երևան քաղաքի Սևաբեգի Մաքոյի փողոցի հ. 46 հասցեում բնակելի տան կառուցման համար նախատեսված շինարարական հրապարակը պատշաճ կազմակերպված չէ, մասնավորապես՝ տարածքի դիմացը գտնվում էր ոչ սանիտարական վիճակում և բացակայել է մեքենաների անվադողերի լվացման կետը, որի վերաբերյալ 11.12.2023 թվականին կազմվել է թիվ Ա-005850 վարչական իրավախախտման վերաբերյալ արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Կառուցապատող Վազգեն Բանդարիի Շաբանդարին ծանուցված լինելով 09.01.2024 թվականին կայանալիք գործի քննության տեղի և ժամանակի մասին՝ չներկայացան, ուստի Օրենսգրքի 267-րդ հոդվածի 1-ին մասի համաձայն գործը քննվեց վերջիններիս բացակայությամբ:

2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին արձանագրությունը, 28.09.2022 թվականի հ. 149 շինարարության թույլտվությունը, շինարարական հրապարակի կազմակերպման սխեման, անշարժ գույքի նկատմամբ իրավունքների պետական գրանցման վկայականի պատճենը, 11.12.2023 թվականի գրավոր հայտարարագիրը, վարչական իրավախախտման վերաբերյալ 25.07.2023 թվականի հ. Վ-29/114 գործը և իրավախախտման հայտնաբերման պահին կատարված լուսանկարը:

3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում պարզվեց և հիմնավորվեց, որ 08.12.2023 թվականին կառուցապատող Վազգեն Բանդարիի Շաբանդարիի կողմից Երևան քաղաքի Սևաբեգի Մաքոյի փողոցի հ. 46 հասցեում բնակելի տան կառուցման համար նախատեսված շինարարական հրապարակում կազմակերպված չի եղել մեքենաների անվադողերի լվացման համար նախատեսված հատուկ մետաղական էտակադան ինչը բերել է շինարարական հրապարակից դուրս ընդհանուր օգտագործման տարածքի աղտոտման:

Կառուցապատող Վազգեն Բանդարիի Շաբանդարիի կողմից ապահովված չէ Երևան քաղաքի քաղաքապետարանի 16.03.2013 թ. N 105 հրապարակված որոշման հետևանքով:

հնարավորություն չի ունեցել ձեռք բերել այնպիսի փաստական հանգամանքներ, որոնք քննարկվող գործի նկատմամբ առավելապես կարող էին ունենալ զանցանքը մեղմացնող վարչական մարմնի հայեցողական լիազորության իրացման համար, ինչպես նաև հետազոտելով գործում ատկա թղթեր, և այն հանգամանքը, որ կառուցապատող Վազգեն Բանդարիի Շաբանդարին նախկինում նույն Օրենսգրքի 157.15-րդ հոդվածի 3-րդ մասով ենթարկվել է վարչական պատասխանատվության («Վարչական տույժ նշանակելու մասին 25.07.2023 թվականի հ. Վ-29/114 որոշում»), հետևում է, որ տվյալ դեպքում առկա է Օրենսգրքի 34-րդ հոդվածի 1-ին և 2-րդ կետերով նախատեսված վարչական իրավախախտման համար պատասխանատվությունը ծանրացնող հանգամանքները:

4. Վարչական ակտ ընդունելու իրավական հիմքերը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 157.15-րդ հոդվածի 3-րդ մասի համաձայն՝ կառուցապատվող օբյեկտներում շինարարական հրապարակների տարանջատման ու սանիտարական վիճակի ապահովման պայմանները չպահպանելը առաջացնում է տուգանքի նշանակում՝ սահմանված նվազագույն աշխատավարձի յոթանասունապատիկից մինչև հարյուրապատիկի չափով:

Ելնելով վերոգրյալից և ղեկավարվելով Օրենսգրքի 23-րդ հոդվածի 1-ին մասի 2-րդ կետով, 33-րդ հոդվածով, 157.15-րդ հոդվածի 3-րդ մասով, 219.1-րդ, 252-րդ, 281-րդ և 282-րդ հոդվածներով և Երևանի քաղաքապետի 30.05.2022 թվականի թիվ 1986-Ա որոշմամբ՝

ՈՐՈՇԵՑԻ

1. Կառուցապատող Վազգեն Բանդարիի Շաբանդարիին Օրենսգրքի 157.15-րդ հոդվածի 3-րդ մասով ենթարկել վարչական պատասխանատվության՝ նշանակելով վարչական տույժ 100.000 ՀՀ դրամ գումարի չափով:

2. Օրենսգրքի 305-րդ հոդվածի համաձայն տուգանքը պետք է վճարվի սույն որոշումն իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900035311100 հաշվեհամարին:

3. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԻՐԱՎԱԲԱՆԱԿԱՆ ՎԱՐՇՈՒԹՅԱՆ
ՊԵՏԻ ՏԵՂԱԿԱԼ՝



ԱՐԱՄ ՄԱՐՏԻՐՈՍՅԱՆ